

肉

麥

筋

藏



江蘇古籍出版社

宋律

招捕總錄

漢官儀

爲政善報事類



招捕總錄

江蘇古籍出版社

宛委別藏

(清) 阮 元 輯

江蘇古籍出版社出版

江蘇廣陵古籍刻印社整理

江蘇省新華書店發行

上海市印刷七廠印刷

開本：七八七×一〇九二毫米 三十二開

印張：一八九七·七五 插頁：四八〇

一九八八年二月第一版

一九八八年二月第一次印刷

ISBN 7-80519-073-9/Z·13  
定價：（全120冊） 2550 圓

四庫未收書提要

學經室外集卷五

招捕總錄一卷提要

不著撰人名氏是編藏書家未著錄蓋佚已久矣此從舊鈔依樣影寫所記元代招捕事宜起于世祖至元迄于英宗至治案卷末云招捕不止此是惟取其人名地名及事與序相干者入注中分二十九種其事多不見於正史而寔有關於正史雖篇秩無多而敘述典核彌足為信是亦罕覩之秘笈矣

招捕總錄

真聖樹業中天下以家定大武不涉斯生葉芽要

荒四履六詔最遐閩廣播思兩江海涯遠霄江右

嶺蜀木波番分龍盧自此下皆梨別生熟撞爨驃

蒲徭迭贊姑人賒切落落顧顧綿綿羅羅此壘字名綿綿則村

名用以足句羅羅羅羅斯也白衣金齒漆頭花角八百妾御七

十閩閩音奢此以其服飾及所有為種名甸砦團

洞箐柵墟畬岳盤川屋激駛谿研山經巨究豎亥

斯差此下一字地名也廣瑶縹慶甸兼我凍斜名州白幫上

東團齒判粘凹名村頻計淥在影雷窖瓢木茶洞名畦

暇之州洒涌之社琅誦之驛噉聳之坡此下皆二字地名此

其尤奇者也肥昌瓦農獲架必迎直善抽俸矣比枯柯

車里烏撒蹉泥窩□散毛爛土雜真淥查林背嶺豚

那結都渴杜望杜暮白定白□大踢青特筠連豕

鷲赤珊藍塞鬼骨果夥猙猛甕省騰串昔霞曰九

層際此下三字地名曰新而元曰伽矣傑曰百眼佐曰水

手浪曰上落麼師宗弥勒此下四字地名阿尼必解一奚

卜薛阿白出麻摸狃狃八郎篤公吸刺豁瞳客

客昔多夷生其中自為雄夸火頭大老

此下皆酋長位名

把事希古軍火營主山主尊長族種謬悠氏名聳

牙提呂摩耳

此下二名

訶思阿禾雄挫渾美矣豆者

哦雙茶拜法的井荅麵个忙尼雁莽占居些谷納

刺構阿葵胡美芬采只驗娘報竹哥細表嬰上亞

浪落麼蒙毡空弟羅勾非白阿羶卧踏委界勾巴

合彪鮮的官兜心挫瓦英厭薛甲古阿娥若過生

琮

此下三名

若大希婆若夢兀仲若渾乞濫若約薛

要若阿慝瓜若卜制頭若閉羅蠻若天程孫若思

蓬怯若兀勸吉若黃公爹若獨然棚若大河沙必

乖豆來此下四字人名蒲雪韋吠麻納布昌玉不廉古六

分新斤蘆崩信備谷是什用喉社句耶山公氏貞

此下四句的傍系猫古綴瓜盤窮腸譜陀貞公猫的傍盤

古綴陀窮腸健婦作配匪婉婉娃阿衣納衣此下二字

折射折利阿初地節攬陶蘇他有忙葛農此下三字

名有梳蠻塔有南貢美率蒸報空娶上於加切下苦加切韻釋

女作姿態貌今中原方融結之左生息之野風氣言為婦人狠惡之稱

不淑習俗異華故雖橫目以生悉獷黠奇衰不有



天彝國憲謂何骨肉睚眦鬩爭紛奪重譯之言馱

舌譎詛

上陟加切下女加切

喜人怒獸含戴則那製衣不領

不中以靴裂綵纏髀椎結髮髻起居佩刀少忤輒

相加或嘯徒復讎蠻觸鬩蝸或出犯徼地為王民

擎痾焚劫公私脫囚拳枷邊吏捕之則螳螂奮斧

以禦車標槍批竹矢毒如蛇敗則各鳥鳥散入險

阻隈阿貢鋤坐草軍圍戶椽木狀益鱗魚糧虵俗作

賊

鏟

自貢鋤以下事詳見後

禽獸畜之朝不見譴訶或略誅

弗雜獮以兵戈草面而來羈縻撫錫賚冠服銅印

青縞粵若妖民造異興訛妄竊位號自投網罟黃

華獠狂黎德口詳六十鳴泉五九跳鼃聖許萬頃

鎮龍郎達圓明廣德細春可用魚鼎紀號鼠穴正

衙劉六十蔡五九黃聖許李萬頃楊鎮龍韋郎達黃廣德邱細春杜可用圓明和尚皆嘗僭號改

元建朝殿懸關坐止其身族黨宥赦叶平惻不盡牌事亦見於後

戮視同殺叛於乎我元王政口頗文柔武競互出兼

施叶疎何切威聲其旬流澤滂沱會稗諸畢為招捕之

科

註

(雲南)至元十三年正月羅甸甸官未者阿未必紹  
降十月雲南省調蒙古爨焚諸軍征白衣和泥一  
百九砦土官甫思叛溪七溪等降得戶四萬又攻  
金齒落落廣甸瑤甸殺掠甚多又攻斜烏蒙禿老  
蠻高州筠連等州十九處烏蒙阿謀歸舊侵藤串  
縣地是月與安南鄰者七十城門國主荅公遣其  
人名摩耳者來乞降又提呂提邦兩部來降饑行  
省發廩賑之未幾提呂子達量爲提索所禽行省  
給榜招提索及使釋達量提索聽命二十三年蒙

乃土官長子殆昔其鄰境土官弗里皮之壻也蒙  
乃不以位與長子而與次子弗里皮與殆昔同出  
討之朝廷降旨諭弗里皮如得蒙乃地許令其壻  
統之是歲又征縹甸大部馬二十四年十月木龍  
蠻奴他謀告阿勒沙村阿加之子明目引軍殺死  
凹村頭目刺些雲南省下麗江路軍民宣撫司明  
日出見雲南王免其罪是年雲南右丞愛魯以蒙  
古軍一千師宗孫勒寸白軍一千農士富民丁三  
千征維摩蠻者噉滅鐵赤必西尋出降三十年八

月雲南省征習普蠻阿浪普龍華扎山砦賊官生  
皆破之火頭輩逃者追普安路總管步木普丁府  
嶠峨頭目矣豆等賞榜招是歲七十城門蠻寨寨  
挾讎殺掠大甸土官阿鄰繼遣其弟牟平來侵阿  
鄰逃入臨安路納樓建水城避之行省不能救又  
參省阿叔招捕花角蠻蠻恃險率衆拒敵殺令史  
一人裨將十五人元貞元年九月習普馬兒等犯  
邊雲南省招出習普服昌等八砦蠻及馬兒部不  
舊解舊龍二砦蠻官的井的探等有必乖豆來者

不肖降殺的并從者二人的并等懼不敢出宮二  
年九月蒙光路軍民總管荅剌乞藍的頭目荅刺  
吉瓦農開陽兩寨自來不曾投降雲南省差道奴  
攻破之十一月車里蠻渾美興兵占奪甸砦十又  
三所結構八百媳婦蠻欲攻倒龍等雲南省遣兵  
招捕大德元年十二月雲南省參政忽速刺攻破  
花角蠻等寨其酋長韋郎遁走初廣南西道宣慰  
使兼知特磨道事農士富上言安寧州沈法昔招  
引唐興州黃夢祥深碎縣林言與花角蠻圍士富

所居殺掠奪虎符執其子信以去又攻其峨州隘  
岍百姓既而又言夢祥結睢曠州岑聰引歸仁州  
歸洛州上隆州利州軍四千人燒劫羅佐州官農  
郎生所轄那悶村及那寡州南村魯谷村付州那  
羅村又奪其那環射隘剝笏羅波射布那哈那等  
十村行省覘知花角蠻去特磨四日程安寧州七  
日程唐興州睢曠州皆八日程十月三日忽速刺  
進討十二月七日過昔陽江經杜箐九日至花角  
蠻木葦砦破之十二日攻其正砦第一門賊敗奪

門蓋其砦十二重也十四日分九道進攻自辰鏖  
戰節次攻破其門日暮入砦賊敗走蠻酋韋郎達  
不知所在韋郎自國家開拓以來不曾降附至元  
二十七年阿叔招之不服迎敵官軍失利以此狂  
縱僭稱大號以妹夫郎滿為平章其餘有萬戶等  
官至是始敗尋又破其卒羅磨誠獲架哥雅木弄  
等砦招出韋郎達婦翁繼村火頭普及把事希古  
竹幹哥雅砦火頭郎滿及其弟郎狀郎滿韋郎達  
之壻也稱韋郎達就陣中傷敗走不知存亡又攻



撒都峇其火頭郎圖希古郎甚出降及羅共峇火  
頭統幹希古都鷄韋郎達弟韋郎動子韋郎應把  
事希古通幹知幹不弄峇火頭郎勤皆出降移軍  
攻安寧州沈法昔降移攻夢祥敗之棄峇走七年  
春永寧路阿永蠻雄挫反初雲南四川陝西湖廣  
四省會兵討順元羅鬼烏撒烏蒙東川芒部叛雄  
蠻挫匿順元蛇節賊黨阿種及其妻折躬折利并  
芒部蠻納即弟卧踏事覺遂與把事阿都阿年等  
以二月二十一日於赤水河作亂殺永寧府判官

常珪行省宣使南家台千戶卜速魯拒暮暉關三  
月一日官軍過關蠻拒戰阿都死獲其金裹甲錢  
子槍賊退走自是連日轉戰自暮暉至普市關九  
戰殺蠻三百餘破海落越寨二洞阿年亦死行省  
以天熱班師扼其魚槽長寧軍梅嶺等關聞於朝  
以為雄控東接羅鬼西鄰芒部南近烏撒姻親相  
結滋蔓力強合以十月初雲南省軍進入暮暉湖  
廣軍自播州打鼓寨會寧鎮進入蠻地蘭州四川  
省軍自魚槽長寧進討十一月一日會於赤水河

雄挫巢穴從之閏五月軍中遣永寧同知蔡閏行  
省左右司員外郎撒班赤等招雄挫雄挫遣阿加  
阿抱出降稱病不出又令其屬委界入朝宰相奏  
雄挫不至乞再伐之雄挫乞以十二月八日狗日  
出見八年五月赴闕原其罪仍充土官遣還九年  
羅雄州軍火主阿邦龍少麻納布昌結廣西路豆  
溫阿匡普安路營主普勒下軍火頭阿只阿爲及  
亦左鄉阿甫等叛燒他羅迷驛左謗軍火主有軍  
三圈子普安路有軍六圈子降旨招諭仍督兵進

討阿那龍少拒遠雄山官軍進攻虜阿那勇古荅  
等阿非阿樓阿那龍少子龍豆皆降豆溫口阿匡  
與弟阿思火頭者哇亦降連戰敗之獲阿那龍少  
追麻納布昌不得十一年阿迷土官日苴火頭抽  
首領落落軍劫楚人奪官馬以叛又納樓茶甸土  
官師禾希古阿夷落圭阿立甸必信怪齒村火頭  
阿則判村火頭阿提納填村火頭身和苴善村火  
頭阿次虧抽俸村火頭雙菜嵩村火頭咱休菁笠  
鄉火頭阿豆加矣傑村火頭阿圭矣北村火頭抽

皆床村火頭遮奴元江路日納村火頭个忙忙部  
火頭虧抽維摩州土官者歐芽者文大布婆等並  
起應之官軍尋皆討定至大元年教合三部步少  
來龍砦火頭漸恐等反遣本部達魯花赤阿里招  
諭不服賊黨答掛殺阿里官軍破其巢斬漸恐答  
掛梟其首延祐七年七月花角蠻章郎達糾合五  
十三村山獠起兵萬餘劫阿用村呼其人曰爾急  
來降我即退兵尔之皇帝甚遠我亦作帝甚近若  
不降我必破尔砦火頭農郎勝降賊行省遣官招

諭九月永寧路由村頭目和俄等擅兵劫掠殺渠  
津州吏目李榮貴奪良渠州同知勅牒行省遣官  
招諭至治元年十月八日良渠州知州刺俄殺其  
兄刺秋初癸丑歲刺秋祖刺都降附雲南行省定  
立州縣令刺秋父刺陶作土官充良渠州知州後  
刺秋伯父刺落襲職尋為火頭木落所殺刺落子  
刺定幼小依其舅子合住居綿綿村因持刺陶刺  
落宣命及州印以去刺俄謂已當襲職二次訴於  
雲南省捕子合刺定不獲刺俄以計誘刺秋赴破

寺村潛於道寧弓射之中左目墜馬又斫左額一  
刀刺秋死俄集衆依摩些俗殺馬牛各一焚刺秋  
屍明日逼其嫂梳鬢塔為妻及占奪刺秋所部百  
姓梳鬢塔父刺資來取其女刺俄欲殺之刺資懼  
逃去栢興府二年正月二十八日刺俄兄刺定自  
綿綿村與子合起兵奪刺俄口地和山砦刺俄糾  
合頭目子首居麥等合兵射死刺定復奪砦本州  
官往招之刺俄拒砦遙謂曰父祖宣命俱在子合  
處又藏印不與尔客官行用我兄弟自相讎殺爭

奪山砦不關尔番漢官事梳鬘塔係我嫂我殺兄  
刺定刺秋故以嫂爲妻我出官尔欲何說再三招  
諭不冒出官行省乞以一千人討之樞密院不聽  
咨本省招諭二十年四月馬龍鄉蠻普萬作亂初  
普萬父哥祛馬龍他郎甸人也任普日思摩甸長  
官致仕長男普奴承廕父子皆居木用村普萬乃  
次子憤不得立與哥祛婿抽丑孫婿阿連結蒙古  
逃軍白夷顧顧等人攻燒木用甸甸民護哥祛逃  
出普萬殺哥祛弟阿笠弟子阿占婿可當等劫掠



百姓求哥祛欲殺之行省委官招諭十二月蒙化  
州蘭神場落落磨察火頭過生琮結慶甸蒲火頭  
阿你通起蒲軍二千五百磨察軍五百劫鎮南州  
定遠縣當布戶計羅黑加等殺九十九人虜男女  
百餘人行省招諭泰定二年開南州阿都刺火頭  
大阿哀引車理陶刺孟等萬餘人圍刺砦攻破十  
四處木邦路土官八廟等領白衣軍攻倒八潢砦  
朝廷遣幹尔端等持詔招大小車里車里寒賽子  
尼鴈搆木子刀零出降 天理金邁至元七年征

金齒驃國五部未降者破其二部餘三百酋長阿  
憲福勒丁阿憲瓜降獻馬象二十四年金齒孟定  
甸官俺嫂孟纏甸官阿受夫魯若官木拜共率民  
二萬五千來降又林場蒲人阿禮阿憐叔阿郎及  
阿蒙子雄黑皆為行省招出阿禮歲承差發鐵鋤  
六百雄黑布三百疋二十九年木忽甸土官忽都  
馬遣其子阿魯進金索鱗膽氈衣虎豹皮詣闕朝  
見三十年正月遣使持詔招漆頭金齒延祐五年  
永昌南窩蒲賊阿都衆阿良等作亂燒劫百姓殺

鎮將奪驛馬雲南省遣參政汪中奉右丞及朵尔只  
討之自八月至明年五月破其寨柵殺人甚衆賊  
走入箐樓阿良降餘不可得以天熱回軍其枯柯  
甸祐甸慶甸等皆降願歲納□千索至治元年七  
月怒謀甸主管故侵芒施路魯來等砦燒百四十  
一村殺提控按牘一人有司奉詔書開讀管故不  
跪聽亦不出降二年鎮西路大甸火頭阿吾與三  
陣作亂奪不嶺雷弄二砦初三陣父阿蘭為鎮西  
總管叛要斬其弟你谷南赴闕貢獻得襲職你谷

南死子斛朶襲位三陣使火頭倒緬招思二人見  
斛朶求少土地人民不予遂投阿吾訴之共作亂  
詔使往諭迎至一樓上樓下周圍懸人首聽詔畢  
阿吾怒曰三陣吾孫也吾破不嶺寨殺傷甚衆虜  
五十人破雷美甸燒四百餘戶管別砦懼而我降  
我遷其民二百五十家於我弟拜法砦中不嶺所  
虜人其族各以銀三兩贖一人盡贖去訖今官招  
諭我終不出亦不受榜所奪地亦不回付須與之  
相殺南甸路木甸火頭斛院先奪羅左甸火頭阿

賽妻阿衣爲妻取之不可與又奪阿賽弟莽占妻  
納衣妻其子阿你阿賽怒使莽占領兵三百遣奪  
其妻不得燒斛院砦。羅羅斯至元十五年定昌  
路總管谷納叛遷入八只巴砦爲賊八刺即安古  
馬楊古刺乞刺蒲等皆應之毀橋梁取倉粟奪驛  
馬及屯田牛明年官軍擊斬谷通。軍里大德二  
年三月小車里結八百媳婦爲亂經時不下數遣  
使奉詔招之不聽延祐三年車里兀竹魯侵阿尼  
必斛砦阿白出麻燒劫又罕旺及其弟胡念弟愛

俄等侵銀沙羅甸兀里鹽井部日女具落索等甸  
劫民財嚇取官所徵差發遣使招降遣白衣阿愛  
詐為已子出官劫掠如故既而愛俄死其兄弟子  
姪罕塞昭愛刺構木力夢兀仲等五人分黨爭愛  
俄位相殺久之遣火頭郭力看齋象牙一金信答  
一來降。烏撒烏蒙東川世部大德五年右丞劉  
深奉命征八百媳婦徵順元遞運人馬土官宋隆  
濟蛇節等拒命作亂朝廷起湖廣河南四川三省  
兵與田楊二氏軍馬會雲南省兵收捕於是烏撒

土官宣慰使普刺總管那由與東川芒部乘譽俱  
叛其接羅羅斯及武定威楚曲靖仁德普安臨安  
廣西諸土族皆以朝廷遠征供輸煩勞爲辭攜貳  
反形已具車里白衣八里日等殺掠普騰江尾二  
甸奪麥亢忙龍二砦燒忙陽等二十四砦揚言我  
與呂也構思麻部日共議渾侯連漠桑畢來攻普  
騰砦柵二月五日梁王出駐陸梁州六日烏撒蠻  
阿都普信及烏蒙蠻阿桂阿察多等殺掠皇太后  
及梁王位下人畜十一月劫芒部官吏商旅貨財

烏撒宣慰使僧家奴逃入中慶十五日東川土官  
阿葵烏撒逃來陸梁州依梁王城阿卑阿苗分軍  
二道欲執宣慰使阿忽台約日由落吉渡口會阿  
乃普吉烏蒙軍先攻阿都百姓次攻建昌燒烏蒙  
總管廨舍十七日烏撒蠻犯曲靖霑益州燒蕩坦  
驛殺掠駐兵闕渡橋二十日烏撒烏蒙東川馬湖  
四族聚眾四千復起羅羅斯軍渡金沙江刻日攻  
建昌三月六日賊逼雅州邛部州甚急陝西省遣  
右丞脫歡禦之八日奉旨也速斛兒充陝西省平



章政事汪阿塔赤充參知政事也速忽都魯充湖  
廣參政與平章劉二拔都等進征叛蠻閩里吉思  
爲湖廣平章與左丞散竹斛陝西楊參政給事凡  
有軍事聽也速斛兒劉二拔都兩人節制其小有  
增損軍馬支給錢糧並便宜行事四月二日那由  
普刺逼烏撒烏蒙宣慰使兼管軍萬戶阿都台棄  
城去時陝西調軍二千人會合收捕三百人守播  
州小溪以逼烏撒蠻充斥之路雲南省調軍三千  
人屯陸梁州五百人駐西曲靖東望水西一千人

於霑益州接烏撒地要害鎮守二千人護中慶而  
梁王又有兵五千人劉二拔都劉深田揚等兵方  
捕斬順元叛蠻未能會合也速解兒與雲南兵共  
進悉次第討平之。八百媳婦大德元年八百媳  
婦國與胡美攻胡倫又侵緬國車里告急命雲南  
省以二千或三千人往救二年與八百媳婦國為  
小車里胡美所誘以兵五萬與夢胡龍甸土官及  
大車里胡念之子漢網爭地相殺又令其部曲混  
干以十萬人侵蒙樣等雲南省乞以二萬人征之

四年梁王上言請自討賊朝議調湖廣江西河南  
陝西江浙五省軍二萬人命前荆湖占城行省左  
丞劉深等率以征既而道經順元土官宋隆濟作  
亂道路不通官軍死傷深領軍回不果征至大四  
年雲南省上言八百媳婦大小車里作亂蒲蠻阿  
婁銀僭平章都元帥七十城門土官緬察犯臨安  
建水普定路土官的謀害遷調官吏似此蜂起數  
年不息乞進討朝廷命齎詔招之皇慶二年雲南  
省命解難甸達魯花赤法忽刺丁等領元招出八

百媳婦部曲乃愛乃溫官哀官吾恰尼哀當吾化  
兒阿吾阿散阿哀等往其地延祐元年正月至其  
境木肯寨其蠻酋渾乞濫妻南貢弄使火頭乃要  
弄來迎詔至砦立柵圍使者問來故答之又曰齋  
來聖旨有何說使者言未開讀不敢言俟見渾乞  
濫言之乃要還報既又來致南貢弄之言曰使臣  
有何說可告我前此使者止至我砦即回法忽刺  
丁等不可二月十三日渾乞濫子南通來見使者  
言行省先遣胡知事招尔等尔等遣乃愛等出降

故聖旨令遣我輩來招尔父子南通曰我等非降也胡知事言尔朝廷地闊軍多故使家中一二人從胡知事往觀之耳明日南通遣乃要來言胡知事來時與我衣服鞍馬今爾等所有馬可盡牽來言訖一時牽去明日又來取去衣服既而渾乞濫遣南忿來曰可令使臣來見我三月十七日法忽刺丁等至合二砦與渾乞濫相見宣詔明日渾乞濫令使者送其子南通往孟范甸把邊可就觀我地境使者不從曰若不觀我地土歸朝何以復命

使者從之至孟范別有生蠻比要與南通叔父力  
乞倫來侵南通言使者不可不助我使者從南通  
至木丙山拒敵比要聞有詔使遂退還至孟范使  
者欲返南通曰天熱水漲秋涼令爾回八月終始  
得出九月四日至渾乞濫砦渾乞濫手書白夷字  
奏章獻二象令其部曲渾乞漏渾八刺我董賽愛  
章闌等隨使者赴闕。六番順元諸蠻又名一至元  
十五年羅殿國主羅阿察河中府方番主韋昌盛  
皆納土來降十六年三月西南八番等國卧龍番

主龍昌寧大龍番主龍延三小龍番主龍延萬武  
盛軍番主程延隨遏蠻軍番主龍羅篤太平蕃主  
石延異永順軍番主洪延暢靜海軍盧番主盧延  
陵皆來降其部曲有龍文貌龍章珍黃延顯盧文  
錦龍延細延回龍四海龍助法龍才零龍文求等  
朝廷立八番宣慰司使司官赴鎮十一月二十一  
日至新添遣千戶張旺招羅氏國惟賀宗一寨投  
降餘皆迎敵旺殺散二十七日至羅崩寨賊又連  
日與總管王采戰皆披甲戴紅纒帽采遇害二十

九日又戰於大吳十二月一日司官至番中呼集  
諸番主以四日集卧龍番受宣命至期俱來唯盧  
番主盧延陵為羅氏國主阿察引軍往大吳西胡  
迷使趙木納來執去不冑令出降阿察初已納款  
後與鬼國結婚鬼國言我未降尔柰何先降羅氏  
遂毀虎符以叛羅氏又名羅殿事聞十七年四川  
蠻呂告部主何濟上言乞招阿察從之既而命南  
省及雲南四川進討八月二十九日阿察遣阿憐  
阿麻二人至四川諸蠻夷部宣慰使司自言無反



意但雲南平章聽我讎人烏鎖納之言織羅我罪  
朝廷不知我今赴闕聽聖裁雲南左丞愛魯四川  
都元帥也速解兒與南省期以十一月十五日會  
一奚卜薛至期南省軍不至愛魯與阿察戰也速  
解兒命萬戶彭天祥藥刺海帖木兒脫歡分三道  
攻會寧關一奚卜薛遣其部落阿侯拒戰敗逃入  
山箐亦奚卜薛奔鷓飛砦阿察走大寧愛魯等進  
兵也速解兒曰賊已離巢穴今發烏撒播州及南  
省近地兵足以勦除我等可回不然曠日持久糧

乏瘴起不便事聞上命藥刺海以千人守其地久  
之賊窮困以二十年二月八日納款二十九年二  
月一日降詔招懷溪洞蠻夷曰中書省奏金竹知  
府臊驢言先奉聖旨招諭平伐山齊若主詭薛約  
定奪今有居幾地面百眼左阿吉谷各當各迪等  
自以外荒久欲內附乞頒聖旨庸許自新朕嘉其  
誠遂俞所奏今諭尔衆咸聽朕言惟爾鄰封率多  
臣服自番方而入貢尋萬國以來庭南順丹州北  
懷金竹陳蒙爛土頃已向風新添葛蠻久皆款化

咸膺寶命仍佩金符賞賚有加官守如故尔等如  
能率衆效順同仁一視倘尔迷之或□是伊戚之自  
貽勉思轉禍之言當體好生之意元貞二年六月  
平伐鄰界平珠瀘洞砦主王三原謝鷄鷄公韋巴  
郎揚義等十八處等官來雲南省告降行省差官  
入洞撫諭至大德元年四月平珠洞宿家沙家二  
族齋進呈禮物出洞道經其鄰蠻新添葛蠻宋氏  
之村頭水底砦宋氏怒二族不由已以降乃遣上  
都雲長官落冒率衆遮道奪進物二族逃散破劫

韋巴郎砦五月宋氏復令平浪巡檢歐陽濯龍與  
其下木洞李巴林竹哥等率木枋六十餘人劫平  
珠洞蠻官足萬金婆南大砦柵逼使背雲南之招  
從已求降不從濯龍掠去足萬金從人足萬雷等  
及進獻方物此行實招到平林獨山州搖和洞唐  
開珠羅等處八百四砦民五萬餘朝廷立長  
官司以統之而以蠻婦阿初充長官大德二年四  
月八番桑柘蠻王二萬馬虫等叛殺巡檢三萬尋  
出降馬虫走他所聚七千餘人陷平包砦圍重輿

若又與叛猫犵狁必際等蠻結連甕槐了江等處  
猫人作亂三年命湖廣平章劉某征之四年正月  
猫桑柘遣所部文何持竹契長刀及方物來降播  
州宣慰司以為蠻苟逃禽戮然亦須招安既而黃  
平府亦上言桑柘附近之重輿必際都陣犵狁必  
梅等二十二若刻契來降七月桑柘蠻及思官賊  
楊金匣播州楊金萬必梅若主娘報等三百餘若  
皆降五年六月八番宣慰司言党兀自降至今八  
年不供賦役所部娘祖大盤小盤白定白藥等蠻

先結連平伐蠻叛劫先宗砦圍吳卜弄砦射猫民  
阿羊金坝皆死官軍捕班夏潘家蠻党兀遮道助  
其拒敵今年正月又使板橋郎來重陂等砦猫燒  
劫百納砦宣慰司令上馬橋金竹府備之且以兵  
討之党兀年七十九老不能出遣其砦主的拗及  
子党砦的沙勇强砦的福三人出降的拗等又與  
其黨幼鬼砦主陳醒朱盖砦主樓地之弟楊八小  
盤砦主騰香等共誓不叛至大二年三月八番蠻  
割和寨主各皃谷霞砦主洛驃刺客砦洛卜傍吾

狂砦的搗谷浪砦只驗皆降詣闕三年八番乖西  
猫蠻阿馬等作亂奏准捕之四年春阿馬與其徒  
洛羅洛登各替及脅從蠻官卜制頭之子哥暮出  
降至治二年六月八番蠻官閉羅繭與其屬卜崑  
讎殺七月百眼佐等處蠻夷長官司言康左砦主  
老康糾合谷聳砦主恰信等殺巡檢王忠拘長官  
洛邦又殺土官蒙卜郎作亂宣慰司發官兵與土  
官敵通往討之三年正月八番呈周砦主韋光正  
等殺牛立天立盟歸降自言有地三千九十八砦

係楊黃五種人氏二萬一千五百餘房光正等二十三人領之願歲出土布二千五百疋為租入。  
宋隆濟大德五年雍真葛蠻土官宋隆濟叛初朝廷調湖廣雲南兵二萬征八百媳婦蠻湖廣兵命左丞劉深等領之取道順元八番進討又令雲南左丞月忽乃招答刺罕軍入境調用命新添葛蠻軍民宣慰司自琅詔驛經平坝蠻峽至順元噶聳等砦斟酌日程分六處安營備餽運丁夫馬足俟月忽乃至點視而雍真葛蠻乖西等部當出丁夫



馬百疋五月二十四日文書至隆濟乃言猫人狇  
狇謂官欲髡其髮印記面送軍三四年不返寧死  
不往雖就若見殺可也以此觀之夫不可差同官  
雍真總管府達魯花赤也里千曰然則起尔宋氏  
盡行隆濟曰吾往訴之宣慰司遂行六月十七日  
隆濟構木婁等族作亂其姪臘月宗六分靳斤等  
告也里千使為備也里千遂避於底窩楊黃砦明  
日隆濟率臘月弟小奴部家童農斛洛中段刺荅  
洛忙冲等約五百人攻楊黃砦燒雍真總管廨舍

臘月奴都保葛海又來報隆濟以一弩二矢與阿  
昔長官為號糾其同叛又有紫江賊助兵四千破  
楊黃砦也里干走掠去總管府印殺也里干奴阿  
麻妻忙葛農等是日龍骨長官阿都麻殺生祭鬼  
誓眾應龍濟亦謂官拘壯士黔面髡髮充軍或殺  
虜我家亦不可知寧死不離此土各負長刀赴亂  
二十日又脅底窩總管龍郎與古龍阿馬都所部  
不這羅鬼阿開阿嬌等狃狃抵阿斛砦拒落那劄  
佐長官司止十里聲言欲攻劄佐二十一日破底

窩砦又欲攻隴兒砦於迷樂橋二十二日自貴州  
至新添畹噴聳陂北至播州界刀填水及卜鄧加  
鶴鳴等站皆被焚劫又遣中火紫江直猫脅巡檢  
倘荅鄧同叛二十七日劫順元毋告之地官收擬  
進御馬尋攻貴州殺散普定龍里守倉軍燒官糧  
殺張知州七月十日梁王下令湖廣雲南四川三  
省會兵誅捕八月雲南平章床兀兒入順元與賊  
戰數敗之然水西水東蠻俱叛床兀兒遣人招水  
西土官之妻蛇節不出蠻人洛暮報云者阿泡言

蛇節已反統青衣破軍圍貴州甚急又有三家猫  
箒蠻坐草敵官軍敗之十一月詔宋隆濟妄說驚  
擾事端糾合蛇節及羅鬼酋長阿女等相扇作亂  
特遣湖廣行省平章政事劉二拔都指揮使也先  
忽都魯率兵及思播宣慰口賽因不花等土兵與四  
川雲南省分道竝進別勅梁王提兵進討悔罪來  
歸者復其官爵能殺賊酋或禽獻者賞執迷不悛  
勦除一切事宜竝從劉二拔都等區處十五日隆  
濟黨校曲旁等攻貴州床兀兒掠得阿容者言始

因徵征八百媳婦人夫馬匹亦奚卜薛之子夢曰  
人馬不辦官鎖其項夢曰恥忿與隆濟議糾合阿  
八阿納許波泥帖等反烏撒總管那由言尔兵若  
破貴州鴨池之事容易我將圖之遣其族阿雄阿  
行頭佐助兵行省令土官普利買馬助軍普利稱  
軍馬價不用貳非金不可觀望不肯買是月土官  
烏犀叛行省討之敗走祿豐若劫梁王位口財貳六  
年正月官軍以隆濟九次攻圍貴州糧盡退還賊  
邀於花猫牛場二箐及長腳木狹截萬溪山沙木

南菁鐵門關沙樹猫北菁殺傷甚衆掠去行裝文  
卷江頭江尾和泥等二十四砦龍馮蹄一十八村  
皆叛二月一日四川宣慰使汪惟勤與湖廣平章

會兵播州三月六日至打鼓砦南木瓜坝遇賊阿

檀敗之九月十九日劉平章使土官俠者潛刺殺

阿沱蛇節駐兵折刺危水以待官軍十月十七日

劉平章殺敗蛇節乘船遁去陝西兵殺敗芒部叛

蠻鬼旺納濟等與雲南湖廣軍合過泊飛關追蛇

節七年正月二十六日劉平章至阿加砦追及蛇

節二月一日出降其黨曲捧阿暮等四十餘人皆  
出三月三日領軍自必加回程奉旨斬蛇節蛇節  
初叛地名蹉跎尋禽斬隆濟惟金竹賊月下卜蘭  
木逃去。廣西兩江至元十三年知來安軍李維屏  
知來安軍兼知凍州事岑從義降十五年田州上  
隆州下隆州武隆州兼州黃漢拔思恩州八中溫  
閩若頻洞計洞涿洞在洞上下雷洞上下影洞皆  
降十七年廣州海港賊霍公明蘇俄細麥嬰上等  
害招討馬應麟捕斬之大德七年四月藤州大任

洞賊黃德寧殺人牛犬祭兵僭號造妖言劫掠偽  
稱皇帝李龍神定國公皇佐丞相黃德寧立國公  
皇羅榮開國飛童黃京夫主朝化民衙主黃汝妙  
六部尚書潘國用六按尚書潘金玉精光祿大夫  
兼管生民殿前太尉彭元吉殿前引兵斬所使莫  
道名都統幹太師黃勸賊設醮筵門首橫寫大字  
牌曰建慶賀新君登極太平道場醮筵呼萬歲又  
曰願我皇帝早登九五之位四月九日以黑漆木  
椅作亭屋持兵張旗幟鳴金鼓至巫烈山迎李龍



神進銀慶賀德寧家有大字黃紙位牌寫上祝新  
君李萬歲其曉民榜示日照會穹庭發下寶物付  
李皇帝掌握日後統九五之位運半千之慶緣一  
六國皆已統成一天今李皇編排得力得衙主差  
一十八司及府額六百十四軍州七千餘縣後安  
天之日命令衣冠圭簡靴帽殺活杖玉璽計七事  
給付李皇掌管今十分之民七分不信三分須信  
五月輕差兵車收不信中民一千之數尚慮累及  
信民今發曉民榜一道付古蠻衙曉示信民至日

兵馬行令有誥者免罪無誥者定行誅戮玉印朱  
文預先曉示故榜竝令知悉兔年四月日榜封民  
倉帖云逆民未倉定公封龍神又名萬頃德寧與  
父璋信先曾叛逆出降有司謂其三代為寇六次  
叛伏今不可赦尋皆捕獲伏誅八年都窩洞賊叛  
至大二年常豐洞蠻大弟什用糾集洗王不兔散  
毛等洞蠻劫掠永寧之阿那未砦延祐二年靖江  
古縣羅蠻洞猺賊劫掠燒架閣庫文卷縱獄囚四  
年招出猺人趙仙十七潘仙等殺獲石倉團侯重

用及秀秀嶺頭團白團提江團淋背團嶺豚團等  
賊重用能祭雷雨通陰陽七年十一月左州黃郎  
君劫掠淶查村至治元年太平路賊趙郎陳叛屯  
粘村二年廣西宣慰使燕率言猺族非一生於深  
山窮谷者謂之生猺野處巢居力耕火種採山射  
獸以資口腹標槍藥弩動輒殺人其雜處近民曰  
熟猺稍知生理亦不出賦又有獐猺則號爲兵官  
守隘通道於官有用自宗象州王太守始募熟猺  
官供田牛以供此役至今因之爲今之計莫若置

熟徭與獞徭竝為獞戶分地遇賊為便。(黃聖許)  
至元二十九年閏六月知上思州黃聖許反聚二  
萬人斷道路結援交趾借兵攻邕州遣副樞密程  
鵬討之聖許戰敗率三十人逃入交趾既而復至  
邊地攻劫三十一年同知兩江宣慰司事楊兀魯  
台上言能不用兵招降聖許從之八月聖許劫幫  
團長山隘又與交趾興道王結婚未幾詔赦罪許  
自新行省差兀魯台赴賊黃合巢內開讀聖許經  
一月亦不出復以二萬人討之時賊屯上思州那

蒼棚三忒棚佃良棚石佛棚邦結棚那次棚等若  
楊兀魯台上言聖許兩招不出三月七日令子志  
寶同大小頭目一千餘人來言聖許曾對天陳誓  
不冝出官齋到降狀稱楊兀魯台齋聖旨來招豈  
不欣悅望北謝恩外聖許雖有誓不出情願投降  
當令兒孫頭目出官聖許還本州招集逃戶復業  
行省以聖許不出依前進討三月十九日聖許生  
日坐草房正廳紫羅盤領衫裏布金帶據銀交椅  
直上懸朱漆金字闕牌參賀人三呼萬歲明年正

月聖許駐上牙六羅茅山林既而兵敗自堯半山  
交趾亨村晚夢久之聞官軍回復還由旁村至  
峙細潛居官軍約十月一日會合進討聖許敗獲  
其妻女大德元年二月五日聖許遣其子志寶齎  
狀赴廣西兩江道宣慰司出降赴闕尋詔聖許朝  
京師聖許不肖挾志寶走交趾萬寧寨志寶不聽  
逃回訴於官六年聖許復回故地居鳳凰舊巢攻  
圍諾屯仙洞屯既而又使人告降且乞還其所虜  
之妻朝廷羈縻之延祐元年正月聖許陷忠州殺

黃知州等六年聖許族人黃萬山萬松壽攻古能  
村戈村劫殺歸龍團皮零洞至治三年聖許壻黃  
縣官攻劫邕州渠樂墟百姓逃避於鸞團。(岑氏)  
至元十八年鎮安州鎮撫岑毅反與特磨道農士  
貴書曰設有達達軍馬來起差稅吾與尔皆一家  
之人圍裏戰殺寶不願作大元百姓於是放兵攻  
劫殺順安知州李顯祖掠其妻小家財官軍討之  
出降大德十一年左江來安路總管洞兵萬戶岑  
雄作亂殺其姪世傑延祐七年來安總管岑世興

反十二月十七日燒田州上林縣那齊村明年二月殺懷德知州凌順武奪州印又攻那帶縣世興尋出降稱溪洞事體與內郡不同自唐宋互相讎殺竝不曾殺官軍侵省地廣西道又上言世興嘗殺兼州知州黃克仁分食其尸世興雄之子也。思播至元十四年六月思州思景賢播州楊邦憲兩安撫使降邦憲在宗為牙牌節度使正任安遠軍承宣使左金吾衛上將軍知播州事御前雄威將軍都統制紹慶珍州南平安撫使節制屯駐鎮



戍軍馬朝廷授以龍虎衛上將軍侍衛親軍都指揮使紹慶珍州南平等處沿邊宣撫使兼播州管內安撫使佩虎符十六年春官軍平思州杜望杜暮河土茶林諸砦圍桐木籠竹既而犵狁伯同叛陷合水美岫二砦至大元年七月思州言廣利白拿等處苗賊與公俄羊溪苗賊作亂伏白泥站劫人三年獨山州土官蒙天童款附蒙朝廷設獨山州審洞木洞都雲等五處軍民司今天童乞往招本州比鄰未附者黎坡上團九黎九姓黎苟王刺

南郭文下都雲等一千九百餘砦平伐生猫主只  
王等不在其數行省從之招到平埧三間地酋長  
羅宋備桑根地砦主蘆桑吳各餽陳蒙爛土蠻官  
天程牙男天程猱等桑林獨力長官亞浪男洛磨  
界牌猫砦主乞把上爛土砦主陳爛虫下爛土砦  
劉國圍麻乃砦主猫的傍谷記砦主猫青珪等以  
刀鎗羶馬來獻延祐四年洛磨反初招附時洛磨  
稱病遣其子各里及大砦主都罷洛能等赴省既  
而同降者揚銀延訴各里非其子乃奴子各午也

至是侵水手浪等處至治二年四月播州上言招  
降洞蠻地心砦官蘆山崩信備大晏大關砦王安吉  
力上落磨砦羅傲水洞八砦官黎上錢廝亮大小  
峇架砦官黎桑皮歪蘆客錢等。(海北海南)至元  
二十八年瓊州安撫使陳仲達上言乞招生熟二  
黎降旨許之招到本州生黎大踢小踢端趙麻山  
等四洞王氏十等出降皇慶二年黎賊王奴歐等  
反偽稱平章元帥立國設官焚劫百姓三年正月  
奴歐等降刻箭誓不為亂使之歸業然羅襖等處

兵未散延祐二年十二月二十三日黎盜百餘入  
橫州永淳縣殺達魯花赤殛死民義射傷縣尉走  
賓州古辣村至治元年九月黎賊犯茶洞燒民居  
二年七月黎人王火燒攻劫百姓捕獲其黨蒙繼  
甘佛龍彭瘦等火燒劫獄奪去又陷南偏洞若殺  
芬采等。廣東至元二十年九月廣東黎德區將  
軍聚十萬人改元僭號殺居民陷城邑又增城縣  
蔡大老鍾大老唐大老皆應之據平康下里東團  
村等處官軍破之區將軍走藍莫營官軍追燒之

延祐三年三月德慶路徭蠻叛既而令山主五世  
祿山主李伯達招降圓麻山徭人盤郎梗盤古綴  
王窮腸等出官至治二年徭人何窮腸陀窮腸等  
降出月徭賊馮岳護犯新會縣泗涌社。至西至  
元十四年四月汀州長汀賊黃廣德自稱天下都  
大元帥刻都帥印又立爲天從廣德皇帝設銅將  
軍鐵將軍等號五月沙縣賊謝五自稱擎天將軍  
尋皆平定十七年南康都昌縣杜可用反號杜聖  
人僞改萬乘元年自稱天王民間皆事天差變現

火輪天王國王皇帝以譚天麟為副天王都昌西山寺僧為國師朝廷命史弼討敗之江西招討方文禽可用元貞二年贛州興國縣籠坑民劉六十七名季撰妖言張偽榜及劉季天旗自稱劉王刻皇漢高祖廣新之帝并行王二印設朝殿開行省置丞相左右丞將軍軍頭等官宣言止殺官中人與張大老作亂八月攻吉州永豐遣江西省左丞董士選討之十月捕獲六十自裁不死伏誅延祐二年四月贛州寧都州蔡五九反與其黨聚鬼子寮

五王廟殺猪置酒俱執錫楞鎗刀五九自號洞主  
六月五九率眾劫掠村落郡邑殺寧都州趙同知  
圍寧都州燒四關八月三日官軍開門與戰賊退  
五九自稱蔡王騎馬列儀衛張漢高祖造戰砲  
架攻具其勢甚張又犯福建地奏遣兵討之九月  
江浙江西兩省會兵至石城縣弓兵宋伏成於兔  
子窠木麻坑禽五九伏誅。福建至元十六年五  
月降旨招閩地八十四畬未降者十七年八月陳  
桂龍父子反漳州據山砦桂龍在九層際畬陳吊

眼在漳浦峰山砦陳三官水篆畬羅半天梅龍長  
害陳大婦客寮畬餘不盡錄十八年十月官軍討  
桂龍方元帥守上饒完者都屯中饒時桂龍衆尚  
萬餘拒三饒尋捕得其父子斬之南劍州邱細春  
反行鎮國開國大王改元昌泰二十年八月建寧  
招討使黃華反集亡命十餘萬剪髮文面號陀頭  
軍據政和縣十月招史弼高興劉二拔都伯顏將  
兵討之與福建忽刺出會合華敗自焚死。(浙東  
至元二十一年十月台州仙居縣有王仙人者言



今年五星期斗天崩地陷合有聖人出招立大將  
置寨黃都南溪民陳再一等從之爲亂敗自焚其  
屋赴火死二十六年二月台州寧海人楊鎮龍反  
據玉山縣二十五都僞稱大興國皇帝置其黨厲  
某爲右丞相樓蒙才左丞相以黃牌書其所居門  
曰大興國改安定元年乘黑轎黃絹轎軍黃傘得  
良民刺額爲大興國軍四字二月一日殺馬祭天  
受僞天符舉事蒙才等拜呼萬歲有兵十二萬七  
萬攻東陽義烏餘攻嵎縣新昌天台永康宗王雍瓦

吉解浙東宣慰使史弼討之鎮龍陷東陽縣尋禽  
誅獲其二印一皇帝恭膺天命之寶一護國護民  
威權法令奉命之印。湖北大德五年閏八月懷  
德府麻用南木達結構生蠻獫狁於麻用州  
界立砦殺掠田六十什家劫辛苦村洞主仰關驢  
家皇慶二年十一月靖州青特團石榴山蠻吳千  
道作亂尋降延祐元年沅州胡老鼠猺賊作亂三  
月招出其黨蒲狗向金朝李部凱至甕省砦出官  
七年六月慈利州貞家山居民貞公結懷德府河

者洞驢合什用謝甲洞巨仙什用恩石洞没尔什  
用安俱洞重達義等侵白水泉界。湖南至元十  
五年全州教授唐子定奉府檄招下清湘縣西延  
溪蠻皆持口狀赴府中降沽油團屋孫耶捧水團  
門客耶師哥罵耶車田團喉無米耶喉社句耶龍  
堂團近師耶壬哥羅勾狎猛口團客多耶小池團  
祖女耶穿弟傘匠耶等共二十餘團此徭人居深  
山窮谷巢穴中不巾不裳赤腳露脛衣用牛羊血  
點白布作青花逐幅相體湊成無領袖耕山地種

豆薯芋產楮皮厚朴大德二年彬州可大老叛官  
軍殺其劉尊長王寨司等又有黃公爹者亦反。  
西川至元十四年五月降旨付西川諸蠻夷部宣  
慰使督順使招思州田景賢瀘州西南番蠻王阿  
永叙州筠連騰串豕鷲昔霞等處諸族蠻夷十五  
年叙州剝骨蠻殺使者十七年六月施州市備大  
盤散毛等洞溪納款十九年發都掌阿永等民爲  
兵征荅馬刺都掌等上言宋時未嘗僉軍乞以馬  
牛助軍需從之未幾征亦奚卜薛起軍酋長阿峻

等亦不從命二十二年正月討降又巴聳農洞諸蠻三十年十月西川行樞密院奉詔征鐵州茂州汶州西番蠻夷其殺戮降下者必力溪等十五若其若主曰牛特。蛇必。烏麦。蒲雪韋吠。舍具。得輸。只禪。非白。東非。勾巴等也其未附而當征者西番螳磨。騶成。獨秦罷。強獐徹垓。顏蘇。叻則。客客。昔多。坡必立。兀刺。新而元。立山等也六年陝西平章也速荅兒奉命進兵討順元羅鬼烏撒烏蒙東川

部叛蠻九月也速荅兒自叙州慶符直衝矣娘州  
烏撒參政阿荅赤自長寧直衝芒部降下十八九  
回軍就糧至永寧阿永蠻雄挫反雄挫藏八番反  
蠻蛇節部曲阿羶及其妻折躬折科及芒部納即  
弟卧踏故於七年二月二十八日反於赤水河也  
速荅兒就討之射死阿都奪其金裹甲鎧子槍九  
戰得出叛境閏五月雄挫妻蘇他與招降官蔡閏  
文字一紙畧曰阿具阿卑齋得榜文爲我住在山  
菁別無同伴蠻官我自來不管官事順元結連諸

夷作亂差人邀我同叛我雖是親戚斷不曾聽信  
又言聽得羿子殺訖使臣不是蠻官本情我親去  
單洛具與衆蠻官報知然後出來軍中再令閔往  
招雄挫六月遣阿加阿抱持文字來大意謂我不  
反使臣貪婪所致十四日雄挫遣牌頭阿底下夷  
人阿大遞文字降陝西省右丞而稱病不出但令  
永寧路同知阿況之子委界赴官蓋其叔父也又  
與必能阿模同行朝廷必欲令雄挫入朝移文行  
省不出則進討十一月雄挫呈擇二十四日起程

續又呈再擇十二月初三日狗日出部二十四日  
到魚槽與其部曲阿他及把事頭目各者末末等  
二十九人赴京都賞衣服弓夫鞍轡放回至大元  
年三月大弟什用集洗王不鬼散毛洞等兵侵者  
等洞既其出降遣墨施什用答是什用赴闕五月  
歸州已東縣唐伯圭言十七洞之衆惟容米洞因  
告洞抽攔洞有壯士兵一千餘皆不足懼也若官  
軍討之可分四道其一自紅鈔寨直趨容米。玩  
珍。昧惹。卸加。阿惹。石驢等洞其一從苦



竹砦抵桑廚。上桑廚。抽攔洞其一由紹慶至  
茅摩。大科。陽蔓師。大翁迦洞其一徵又巴  
洞問十萬大帝什用洞兵接應如此可平至治二  
年散毛洞蠻大望什用劫掠黔江縣五里荒三年  
五月順元洪番安撫劫掠卜哥所管砦民銅鼓牛  
羶等物。西番至元四年五月崇慶等處從宜王  
遇等令已降西番人大番官旁木及阿里吉招到  
西番大和尚解設。三卜魯大蒙。谷谷族思達  
怯。將同族速恭麻。拘宰族鮮酌等共十一族

七年從宜府遣投降番官頽和尚招到遠番和尚石本雜。汝鳳川番官獨然瑀入朝二十三年陣骨族六彪及其子合彪結羶單族條竹族寇脫思麻路敗之二十六年疊州西番人朵兒只牙思招到生番心扯等八族降至大三年二月雲南省蒙光土官斛罕上言有弟三瀾在西天界藍塞守邊大德八年三瀾來言西天地僻不知是何達達軍馬奪數砦而去今年正月三瀾復遣火頭官兜來言西天使來又有達達軍馬殺西天王而立其孫

奪其堡寨所乘馬甚高大蹲伏乃可韉鞍問此疆  
之外其主者誰西天王對白衣所居歸奴來言玉  
善奴瓦英等乞降持刀甲與頭目皮先吉且言每  
年貢異皮以夏間荅刺不魚出時回還云云。○圓  
明和尚延祐七年六月十三日夜奉元蓋屋縣終  
南景谷小高山僧圓明和尚就扶風小員大家糾  
合蘇子榮等五十餘人各執桑木笏持二劍祀星  
斗偽即位爲皇帝衆呼萬歲圓明和尚者姓白名  
唐兀台年三十七耀州美原縣探馬赤軍延祐七

年四月小高山湫池邊建禪菴誦經尋移其母馮  
閏娥與弟廣師皆來菴中蓋屋人來燒香者受戒  
牒因與子榮等相識至是誠以七月五日攻奉元  
路舉事其徒言普覺長老和尚上元甲子合坐大  
位六月二十九日扶風縣人告變官軍捕之唐兀  
台提劍夜二更欲出山走官軍圍之遂相射雞鳴  
時復回菴中七月一日陝西省參政朶里只八史  
中奉以兵捕賊唐兀台藏其母於林中與妻妙師  
及其黨西循秦嶺走久之棄偽印章草內又無糧

唐兀台與妙師藏林中令人下山探伺消息八月五日午時唐兀台因睡官軍追及執妙師等唐兀台脫走九日奉元路達魯花赤伯顏於白楊平河禽唐兀台伏誅。招捕事不止此是惟取其人名地名及事與序相干者入註中

招捕總錄終